



نسخ وادستان

جلد ۱۳۳۶

مجموعه خطی
۱۳۳۶

حالبوکه بودورده آز زمانده چوق ایش یاپله سی ایجاب ایتدیکنی
بیلیورلر . یا ترقی ، یا اولمیدر . یوقسه هیچ برزمان اولدینی
یرده دورمق اولاماز . آرتق اوانجمنده یا اولسون . یا خودبرائر
ترقی کوسترمه رک یکیدن نشوونما بولسون .

۷:۶ سنه دنبری تاریخ عثمانیمزک مبدألرینی و سلطان عثمان حضرتلرینی
یازمغه چالیشان اوانجمنک ایلک اوکجه بواژه صوکه درجه اعتنا ایتدکارینه
ذاهب اولدم . فقط نشرندن صوکره او قودیمق وقت هیچده اعتنا ایدلمدیکنی
آکادم .

بزم چکدیکمز سکوت ایتمکدندر . بوندن صوکره بزم ایچون
سکوت یوقدر .

باقی کمال حرمتله الاریکزی اوپه رک ختم مقال ایدرم اقدم .

۸ نیسان ۲۳۵ علم و مرغانکزدن پک زیاده مستفیداولان
حسین نامق

— مجموعه —

هرکله سنی معصومانه برانین شکلنده کوردیکم شو حیتلی سوزلره
مجموعه مزویره جک جوابدن عاجزدر . بزاختیارلر ، کنجلره چالشیورسکز
دیه ، بر نمونه امثال همت کوسترمک لازمکلیرکن بالعکس قبول ایتدیکمز
وطنی ، علمی وظیفه لره دوام ایتمه مک کبی قیدسزلک کوسترمه رک بزم ایچون
کنجلرک بویله حق بر صورتده تعریضلرینه هدف اولقلغمز قدر بیوک
مصیبت تصور ایدرم . بونک جوابی لطفاً و تنزلاً مذکور انجمن
رئیس محترمی و یاخود « بزده تاریخ و ادبیات کتابی یازلر ، ادعای باطلنده
بولنان قبله لی زاده عنایت ایدوب ویرمیدرلر .

باشمزه برده « بحریه مکتوبی » ماضیسی و خزینه خاصه مستشار
و محاسبه جی « اسبقی بر خالص افندی چیقدی طوپلادینی کوزل کتابلر مزری
اون دزت بیک لیرایه اجنبی لره و متباقی بر قسمی ده ۳۵ بیک لیرایه معارف
نظارتنه صائمغه موفق اولدیغندن ارتق تاریخمزه ادبیاتمزه دأثر اولان
پک مهم کتابلری چارشیدن طوپلایوب آلور و صاقلیر

حالبوکه معارف نظارتیه صاندینی کتابلار ایچندن ، مثلاً نفی بک
 رسمی حاوی یکانه دیوانی ایله ترك پادشاهلرندن قره قویونلی مشهور
 جهانشاهك دیوانی کبی مهم کتابلری کتم ایتدی . وبوندن بشقه معارفه
 صاندینی کتابلر ایچندن ایکی بیک عدد مهم کتابلر آیردیغنی شمدی
 بی پروا سویلیور . بونک ایچون بئیمده اوزمان معارف نظارتیه یازدیغیم
 واولوقت ناظر بولنان شکری بکک بالذات یدینه تودیع ایتدیکم برمکتوب
 البته معارف نظارتیه موجوددر . میدانه چیقارسونلرده ندرلر یازدیغمی
 کورسونلر . وطنک وملت و حکومتک نان و نعمتیه پرورده اولوب یتیشن
 ذواتک معاونتلی شویله طورسون بر طرفدن بویله بر مسلك اختیار
 وبر طرفندن ده انجمن رئیسی شایان حیرت بر صورتده دوامسزلق کوستررسه
 البته مکمل بر عثمانلی تاریخی یازیله مز .

برده خالص افندیك معارف نظارتیه صاندینی کتابلر طقوز بیک
 جلددن نقصان اولدینی حالده اون اوچ بیک جلد کتاب صاندینی وبویله
 کلیتلی مقدار کتابلرک اوفیئاله ویرلسی قابل اولدینی حالده کویا حمیه
 ویردکلرینی کرک کنیدی و کرک مخدومی رشادبک افندی نشر و اعلان
 اییدیورلر . حالبوکه مسموعات موثوقه یه کوره بر کتاب ایچنده نه قدر
 مجموعه لر وار ایسه هر بریسه آری آری رقم قویمش طقوز بیکدن
 نقصان ویردیکی کتابلرک عددینی اون اوچ بیکدن فضلده کوسترمشدر .
 ایشته اون اوچیک جلد کتاب دیه هر یرده اعلان ایلمکده اولدقلری بودر
 اکر بو حاللر وبونکله برابر الکیمتلی ایکی بیک کتابی کیزله یوب شمدی
 اوللری ده اوچنجی بر استفاده تشکیل ایتک اوزره بشقه جه صاتمق ایچون
 قیوقو طولاشیق برحمت ایسه فی الحقیقه بوحمته کیسه نک بر دیه جکی
 قالمز . ظن ایتیم که بو حاللر دارتق بومعصوم ملت تحمل ایده بیلسون . بو
 خصوصانده محترم معارف ناظریمز علی کمال بک افندی حضر تلرینک کمال اهمیتله
 نظر دقتلرینی جلب ایدرم . چونکه انظار و افکار عمومی بر میزان عدالتدر .